



1. oktober 2007

Inatsisartut Suleriaasissaanni § 36 imm. 1 naapertorlugu apeqqutit uku Naalakkersuisunut apeqqutigaaakka:

Naalakkersuisunut apeqqutit: Upalungaarsimaneq SAR-ip Narsarsuarmut inissinneqarumaneranut sumik nassuiaatissartaqarpa Kujataani illoqarfinnut allanut inissinnagu, aamma Naalakkersuisut nalilernerlugu Icelandic Coast Guardip Canadian Coast Guardillu Kujataa inussanngikkaat upalungaarsimaneq SAR Ilulissanut inissinneqartuuppat. (Inatsisartuni ilaasortaq Marie Fleischer, Demokraatit)

Pissutigisaq:

2008-mut aningaasanut inatsisissamut siunnersuummi allassimavoq Naalakkersuisut upalungaarsimaneq SAR (Search and Rescue) nutaaq siunnersuutigigaat, helikopteri Narsarsuarmi angerlarsimaffeqartoq tunngavigalugu Ilulissanilu sillimmateqarlutik, taassumalu saniatigut helikopteri mikinerusoq Nuummi.

SAR-ip nunap assiutaa takugaanni takuneqarsinnaavoq Icelandic Coast Guardip aamma Canadian Coast Guardip SAR-ikkut killingat Kujataani sineriak kaajallallugu attuumasoq. Tassa Kujataani imartat tamarmik isumagerpiarpaat. Taamaalilluni imartat isumagineqareerput.

State Minimamik taaneqartartumik peqarpoq. Tassa helikopteri taartumi Narsarsuarmiit aallassappat 6.000 fodisut qutsissusilimmut qangattartariaqarpoq. Tassunga sanilliullugu Ilulissaniit aallassagaanni unnuakkut 1.000 fodisut qutsitsigisukkut timmisoqarsinnaavoq.

Annaassiniarnerni/ujaasinerni ilaatigut politiit, nakorsat peqqissaasorlu ilaasorineqartariaqarput. Narsarsuarmi politeeqaranilu nakorsaqaangilaq. Taakku aaneqaqqaartussaapput!

Aammattaaq helikopteri angallassilluni timmisartoratarsinnaavoq annaassiniaqquneqaruni, taamalu inissinnissaminut piffissaq anginerusoq atortariaqarlugu. Ornitanimi tikeqqaartussaavaa, taavalu angerlarsimaffimminut uterluni krane atortullu ikkukkiartorlugit.

Nunap assingatigut sumiinnera naatsorsoraanni kitaata qeqqaniit isumaginninneq annertunerujuussaaq isuaniit naleqqiullugu.

Demokraatit isumaat naapertorlugu upalungaarsimaneup SAR-ip Narsarsuarmut inissinniarneqarnera attatiinnarneqarsinnaanngilaq, helikopterimi SAR-imik suliaasaqarluni aallartitaagaangat Kujataani tamarmi angallassilluni timmisartuussinerit tamarmik ullut arlerlugit piioneerutitissavaa, oqareernittuut aamma angalasunik timmisartuussisarmat. Kujataani innuttaasunut naleqqulluannngilaq, helikopteri taanna ataasiinnaasoq pinngitsooruminaaqimmat.

Ilulissani aamma annaassiniartartup ilaatinnissaanut periarfissaqarpoq. Inuk singinneqarluni inunnik immamiittunik ajoqusersimasunilluunniit annaassiniarnissamut ilinniarsimasoq. Narsarsuarmi taamaattoqaangilaq.

Nunap ilaa Qeqertarsuup Tunuaniittoq, Kangia, umiatsiaararsorlutik aalisartut tamarmik takornariarpassuillu peqqutigalugit timmisartooq taanna Ilulissani angerlarsimaffeqaruni



Narsarsuarmi angerlarsimaffeqarnermiit iluaqutaanerussiaaq. Taamaattumik isumaliortaatsimut naleqquttoq atorlugu upalungaarsimaneq SAR Ilulissani inissisimasussaavoq Narsarsuarmilu sillimmateqarluni.

Qulaani taakkartorneqartut peqqutigalugit upalungaarsimaneq SAR-imut illoqarfinnut allanut salliutillugu Narsarsuup toqqagaasimanera pillugu Demokraatit tunngavilersukkamik nassuiaammik piumapput. Taamatuttaaq aamma Naalakkersuisut missiliuussinerat piumaneqarpoq manna pillugu, Icelandic Coast Guardip aamma Canadian Coast Guardip Kujataa isumagisinnaaneraat upalungaarsimaneq SAR Ilulissanut inissinneqartuuppat.

Apeqqutit ullut suliffiusut qulit ingerlaneranni akeqquneqarput.